

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



## সংবাদ বিজ্ঞপ্তি

পার্বত্য চট্টগ্রামে দুধপুরুরিয়া/ধোপাছড়ি বন্যপ্রাণী আশ্রয়স্থল এর জীব-বৈচিত্র্যের উপর পুষ্টক প্রকাশনী

### অনুষ্ঠান

দুধপুরুরিয়া, ৪ঠা এপ্রিল -- অরণ্যক ফাউন্ডেশন প্রকাশিত বাংলাদেশের সংরক্ষিত এলাকার জীব-বৈচিত্র্য, সংকলন ১: রেমা কালেঙ্গা বন্যপ্রাণী আশ্রয়স্থল' ও 'বাংলাদেশের সংরক্ষিত এলাকার জীববৈচিত্র্য, সংকলন ২: দুধপুরুরিয়া/ধোপাছড়ি বন্যপ্রাণী আশ্রয়স্থল' শীর্ষক দুটি গ্রন্থের মোড়ক উন্মোচন অনুষ্ঠানে আজ যুক্তরাষ্ট্রের রাষ্ট্রদূত ড্যান মজীনা ও ইউএসএআইডি মিশন পরিচালক রিচার্ড গ্রীন মাননীয় বন ও পরিবেশমন্ত্রী ড. হাসান মাহমুদের সঙ্গে যোগ দেন।

রাষ্ট্রদূত মজীনা ও যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) মিশন পরিচালক রিচার্ড গ্রীন মাননীয় মন্ত্রী, বন বিভাগের কর্মকর্তাবৃন্দ, স্থানীয় জনগোষ্ঠীর সদস্যবৃন্দ এবং জাহাঙ্গীরনগর বিশ্ববিদ্যালয়ের শিক্ষকবৃন্দের সঙ্গে বই দুটির উন্মোচন অনুষ্ঠানে যোগদান করেন। বঙ্গারা বাংলাদেশের সংরক্ষিত এলাকার জীববৈচিত্র্য সংরক্ষণের প্রয়োজনীয়তার ওপর গুরুত্বারূপ করেন এবং শিক্ষা ও সচেতনতার উদ্দেশ্যে এসব এলাকার বর্তমান জীববৈচিত্র্যকে লিপিবদ্ধ ও পর্যবেক্ষণ করার প্রয়োজনীয়তার ওপরও আলোকপাত করেন।

যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) আইপ্যাকের প্রকল্পের মাধ্যমে বাংলাদেশব্যাপী ২৫টি বনাঞ্চল ও জলাভূমি সংরক্ষণের এবং এসব সংরক্ষিত এলাকায় ও এর আশেপাশে বসবাসরত জনগোষ্ঠীর জন্য আয়ের নতুন সুযোগ সৃষ্টির লক্ষ্যে সহ-ব্যবস্থাপনার আওতায় ২০০০ সাল থেকে এ পর্যন্ত তিন কোটি ডলার সহায়তা প্রদান করেছে। ইউএসএআইডি বনাঞ্চল ও জলাভূমি সংরক্ষণের উদ্দেশ্যে জাতীয় পর্যায়ে নিসর্গ নেটওয়ার্ক শীর্ষক একটি যোগাযোগ ব্যবস্থা গড়ে তুলেছে। সহ-ব্যবস্থাপনা জীববৈচিত্র্য সংরক্ষণের ভূমিকা, অধিকার ও দায়িত্ব পালনের ক্ষেত্রে সরকার ও কম্যুনিটিকে একসঙ্গে কাজ করার সুযোগ করে দিয়েছে। জনগোষ্ঠীসমূহকে তাদের নিজস্ব সম্পদের ব্যবস্থাপনায় ভূমিকা প্রদানের মাধ্যমে এবং অবৈধভাবে গাছ কাটা ও প্রাণী শিকার করার পরিবর্তে ইকো-গাইড হিসেবে কাজ করার মতো

বিকল্প আয়ের সুযোগ সৃষ্টি করে দেয়ার মাধ্যমে বাংলাদেশের জীববৈচিত্র্য সংরক্ষণে এবং সংরক্ষিত এলাকাতে ও এর আশেপাশে বসবাসরত জনগোষ্ঠীগুলোকে অর্থনৈতিক সুবিধা প্রদানে ইউএসএআইডি বাংলাদেশকে সহায়তা করেছে। পরিবেশবান্ধব প্রাকৃতিক এলাকা এবং উন্নত, বৈচিত্র্যময় জীবনব্যবস্থা মানুষকে বন্যা, ঘূর্ণিঝড় ও ক্ষরার মতো জলবায়ু পরিবর্তনের প্রভাব মোকাবেলায় সহায়তা করে। এই সফরের অংশ হিসেবে, যুক্তরাষ্ট্রের রাষ্ট্রদূত দুধপুরুরিয়া জনগোষ্ঠীর সহ-ব্যবস্থাপনা কমিটির প্রতিনিধিদের সঙ্গে সাক্ষাৎ করেন।

১৯৭১সাল থেকে বাংলাদেশের উন্নয়ন সহায়তায় যুক্তরাষ্ট্র সরকার ৫৮০ কোটিরও বেশী ডলার প্রদান করেছে যার মধ্যে স্বাস্থ্য খাতে এর পরিমাণ ৭৭ কোটি ডলারের বেশী। যুক্তরাষ্ট্র সরকার ইউএসএআইডি ও অন্যান্য যুক্তরাষ্ট্র সরকারী সংস্থার মাধ্যমে শুধুমাত্র ২০১১ সালে প্রায় ১৮ কোটি ডলার প্রদান করেছে বাংলাদেশের জনগণের জীবমান উন্নয়নে, গণতান্ত্রিক প্রতিষ্ঠানসমূহের অনুশীলন ও প্রসারে, অর্থনৈতিক সুযোগের সম্প্রসারণে, স্বাস্থ্য ও শিক্ষা সেবার উন্নয়নে, খাদ্য নিরাপত্তা বৃদ্ধিতে এবং প্রাকৃতিক দুর্যোগের প্রভাব কমিয়ে আনতে।

=====

জিআর/২০১২

ঢাকাস্থ যুক্তরাষ্ট্র দূতাবাসের পরিপূর্ণ তথ্য এবং বাংলা ও ইংরেজীতে বক্তব্য ও সংবাদ বিজ্ঞপ্তির জন্য আমাদের ওয়েবসাইটে <http://dhaka.usembassy.gov> এবং ফেসবুকে [www.facebook.com/bangladesh.usembassy](http://www.facebook.com/bangladesh.usembassy) চোখ  
রাখুন।